

المزاد !!..

قلبي بيكسب في المزاد

خذ شهره في كل البلاد

بحنيته ورقته..

المزاد عليه يرسى

اصل غاوي حضرته

يكون دائما رومانسي

شاف اوجاع وعاش احزان

لكن ده في فكرته منسى

ودائما غاوي يبتسم

عز المحن عز الالم..

يسرح مع ثومه يسمع حلم

وعليه الشحوره بتمسي

ونبض قلبي ايقاع رقصي
انا غاوي الفرحة ناس الجراح
ولا عمري ندمت ع اللي راح
لا فكرت يوم في الماضي
ولا وقفت مره قدام قاضي
ولو دنيتي زعلت اسايستها
واعالج احزاني و اعكسها
لو قابلتني ورده اعاكسها
واضحك كمان بصوت عالي
والضحكه تسهر في الليالي
تبسم كمان شمسي
احب تملي اكون رايق
ليه أتخفق ليه أتضايق..؟
ليه أرضي بظلم نفسي..؟؟

عشان كده السن بيكبر
قلبي تلاقيه دايما اخضر
حتى لما الشعر شاب
قلبي عايش بروح شباب
لما قلت لأنثى بحبك
سألتني قولى هو سنك كام
رديت بالاجابه قوام
انا ما ليش تاريخ ميلاد
ورسي على قلب المزاد!!!

